



Sesida dals

Communitgà ils

Protocol nr.

13 d'october 2020

16 d'october 2020

815/2020

### **Incumbensa Schwärzel**

concernent l'adattaziun dal «Standard grischun» per la scola

### **Resposta da la Regenza**

Per incumbensa da la Conferenza da las instituziuns d'uffants e da giuvenils da la Federaziun grischuna "Chasas ed ospitals" è vegnì sviluppà il «Standard grischun» per las scolas spezialas sco instrumentari per registrar e per tractar violaziuns da cunfins. Quella giada è quai vegnì fatg senza sustegn formal, professional e finanziel dal chantun. Ils trais partenaris socials da scola – Federaziun da mainascolas dal Grischun (FMSGR), Associaziun dals cussegls da scola dal Grischun (ACSG) e Magistraglia Grischun (LEGR) – han concludì cuminaivlamain – sin iniziativa da la uniun «Cuminanza d'interess Proteger uffants» e dals auturs dal «Standard grischun» – d'adattar quel per al duvrar facultativamain en il sector da las scolas regulà-ras ed han gia nominà ina gruppa da lavur per quest intent. L'incumbensa qua avant maun pretenda posteriuramain ina integraziun professiunala e finanziala dals uffizis chantunals en il «Standard grischun per la scola» ch'è en elavuraziun.

Il «Standard grischun per la scola» po pia vegnir chapì en il senn pli vast sco instrument per sustegnair las finamiras da furmaziun surordinadas, ch'èn fixadas en la Lescha davart las scolas popularas dal chantun Grischun (Lescha da scola; DG 421.000). Tenor l'art. 4 al. 1 da la Lescha da scola mainan las vischnancas la scola populara publica. Quai pertutga er la garanzia ed il svilup da la qualitad en il senn pli stretg. Ord vista da la Regenza èsi impurtant e gist da laschar questas cum-petenzas da decider a las singulas instituziuns responsablas per la scola. Las insti-tuziuns responsablas per la scola èn libras da tscherner ils meds, uschia ch'er la decisiun davart lur eventuala participaziun persunala u finanziala a l'adattaziun e davart in'eventuala introducziun dal «Standard grischun» è chausa da las singulas instituziuns responsablas per la scola.

L'adattaziun e l'introducziun dal «Standard grischun» per las scolas regularas ston vegnir validadas – ord vista da la Regenza – sco project ambizius. Ultra da la presta-

ziun da lavur per adattar il Standard a la scola regulara, vegn l'introducziun dal «Standard grischun» en las singulas scolas a chaschunar in ulteriur augment da las lavurs administrativas «Standard grischun» per las scolas.

Tenor l'art. 90 al. 1 da la Lescha da scola surpiglia il departament la responsabladad per l'execuziun da la lescha. Il departament fixescha ultra da quai las cundiziuns da basa per il svilup general da la scola, per la garanzia da la qualidad da scola sco er per la gestiun e per l'organisaziun da las scolas. Tenor l'art. 91 da la Lescha da scola e tenor l'art. 72 al. 1 da l'Ordinaziun tar la Lescha da scola (Ordinaziun da scola; DG 421.010) porscha l'uffizi servetschs spezials en las regiuns linguisticas per ademplier las incumbensas. La purschida da basa da quests servetschs è – ultra da la surveglianza, da la controlla e da la garanzia da la qualidad – tranter auter la cussegliaziun da mainascolas e d'autoritads da scola. Resguardond las cumpetenzas correspudentas sco er las resursas limitadas pon ins s'imaginar che mintgamai ina persuna da l'Inspecturat da scola e dal Servetsch psicologic da scola, tuts dus domiciliads tar l'Uffizi per la scola populara ed il sport, sa participeschian a la gruppa da lavur, e quai en il senn d'ina cussegliaziun moderada en il process da svilup dal «Standard grischun per la scola» . Qua duai vegnir mess il focus sin la cumpatibilitad cun las disposiziuns legalas per che l'instrument ch'è en elavuraziun possia vegnir sviluppà ed applitgà resguardond las cumpetenzas da tut ils purtaders da decisiuns.

Per cofinanziar il svilup, la realisaziun, la translaziun ed il repassament posteriur da projects sco il «Standard grischun per la scola» u per distribuir tals products mancan però las basas giuridicas correspudentas.

Sa basond sin questas explicaziuns propona la Regenza al Cussegl grond da midar questa incumbensa sco suonda:

Il chantun vegn incumbensà d'accompagnar il process da svilup dal project «Standard grischun per la scola» en il senn d'ina cussegliaziun moderada.



En num da la Regenza

Il president:

Dr. Chr. Rathgeb

Il chancelier:

Daniel Spadin